

ALL NATIONS GOSPEL PUBLISHERS



www.anjp-hb.co.za



info@anjp.co.za

A mbilu Ya mhuno

Copyright ANGP

COPYRIGHT

ISBN 1 - 919852 - 79 - 4

**ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.**

(Missão de Literatura Evangélica financiada por donativos)
(Reg. 1961/001798/08)

A mbilu ya mhuno

**A tempele ya Xikwembu Nkulukumba kumbe ya Sathana
(Ku 1 Yohana 3:4-20)**

A xibukuana lexi a hi ximpswa, amasunguleni xitumbuluki atikweni dra França, ku hundra madzana mabidri ya malembe, xitisi n'hlamulo ka makhulu-khulu ya vhanu. Xive xivonivoni xa moyo, lanu avanu va nga vona ha xone a mathramela yavu; swanga hi leswi, Xikwembu Nkulukumba ava vonaka. Hi leswo ke, loko la'votala vavoni a timbilu tavu na titali hi swidoho na switraliwile amapapeleni lawa, vatiyanakanyile vathlela vakuma a timbilu timpswa ni moyo lo'wumpswa wa ku shwenga.

Vanakulobye loko ke n'we he nkarhini wa ku dondra a xibukwana lexi, ha n'wi kombela n'wi swibekisa amimpimiswini yenu, le'swaku a xibukuana lexi i xivonini lexi n'wi nga tivonaka ha kone. Nambe n'wi le vadohi kumbe vakriste, nambe la'vadukiki kumbe la'vatiyanakanyike, vanga vona a swifanisu swavu swanga ha Xikwembu Nkulukumba leswi a swivonisaka xiswone. Na hi vulavula hi ntiyisu, Xikwembu Nkulukumba a nga langusi hi ngohe ya mhuno, kambe a langusa a timbilu terhu ntsena.

Sathana i tatana wamadrimi, ni wa la'vavulavulaka madrimi, i hosi ya munyama wa nkarhi lo. Yene awa tindruluta ntrumi le'yi kwestsimaka; kambe yene ku nkama lo, a nge he ntrumi le ya ku phatima, swanga hi leswi la'vanyinge vaswiyanakanyisaka xiswone; hi minkama min'wana swiyentsha le'swaku la'votala vavaviseka loko Sathana a kombisiwa swanga hi leswi a nga hixiswone. Swanga hi masiku ya tolo, kaveni a vaprofeti la'va hava, ni ko namunhla kuni vatirheli va swa hava vamadrimi la'vatitshulaka a mapostolo ya Yesu Kriste. Hi mayentshela lawa a swihlamalisi loko Sathana ha byakwe a tindruluta nyeleti le'ya ku kwetsima. (Ku 2 vale-Kor 11:13,14). Sathana awa pfala a mahlo ni wutivi bya vhanu akuveni va nga voni a timpswalu ni ku vonakala, ni wunkulukumba bya

Xikwembu Nkulukumba, nambe hi muhuluxi wavu a nga Yene Yesu Kriste (2 Ku val-le- Korinte 4:4). La'votala hi nkonta ya ku nyamisiwa hi hosana ya nkarhinyana lo, a vaswivoni le'swaku vadujodjomela amuseleni wa ku lova hi la ku nga helikiki, a mananga ya ndrilu lo'wupfurhaka hi phalafeni. Hileswo ke, vafile mayelana na Xikwembu Nkulukumba, hikuva vafumiwa hi hosana ya nkarhi lo. (Ku va-le-Efesi 2:2). Hi kolanu ka timhaka leti, a n'wana wa Xikwembu Nkulukumba, a xikile hi le matilweni, akuveni a tata hetisa a ntirhu wa Sathana. (Ku 1 Yohana 3:8). Hi kolanu, tibekani hansi amahlweni ka Xikwembu Nkulukumba, yalani Davulosi; loko ke n'wi tuyala, yene ata suka ku n'wine, kutani ke, Xikwembu Nkulukumba ata n'wi threndrekela. (Ku Tiago 4:7,8).

Varhandriwa vadondri loko n'wi le karhi n'wi dondra a xibukwana lexi, tilangusani atimbilwini kwenu n'wi tikamba, n'wi tivutisa le'swaku xana ko yine ke. Loko ke n'wi kuma le'swaku, a ku lulamanga n'wi ngave kaneta, nambe n'wi pimisa a ku swithlota, kambe titrongahatani, akuveni ata n'wi drivalela aswidoho swenu. "Hikuva loko hi kaneta hi ku: "È!... ahina swidoho", ha tikanganyisa, nfuntrhi a kuna ntiyisu ku hine" (Ku 1 Yohana 1:8-10). Hi leswo ke, tibekani hansi amahlweni ka voko dra Xikwembu Nkulukumba hi ku titrongahata, akuveni a n'wi drivalela a swidoho swenu ava a n'wi hlampswa hi ngati ya Yesu Kriste.

Kasi n'wi fumiwa hi Sathana kumbe ha Xikwembu Nkulunkumba ke? Xana n'wi vandjema va xidoho kumbe n'wi malandra ya Xikwembu Nkulukumba ke? Loko ke n'wi le hansi ka matimba ya xidoho n'wi nga kaneti, i swinene n'wi bongosa ka Xikwembu Nkulukumba, akuveni ata n'wi ntrhunxa ha Yesu Kriste Iwe'a tiki amisaveni ku tata pfula a mahlo yerhu ni ku hi humexa amunyameni akuveni hi ninghena akuvonakaleni, ni kuva asusa a munyama ku hine. Yene a file amisaveni akuva a hi tisela a livaningu. Yesu awa hi ntrhunxa amatimbeni ya Sathana. Ha Yene hi kuma a ku ntrhunxeka aswidoheni swerhu. Swanga hi leswi, kutani n'wi nga amahlweni ka Xikwembu Nkulukumba Iwe'a kwetsimaka, Iwe'a vonaka a swihundla ni mintirhu yenu

le'yi fihlekike, swanga hi mimpimisu yenu. A n'wi nge swikoti a ku tifihlala ni ku fihlela Xikwembu Nkulukumba a swiyentshu swenu. "Xana, lwe'a vumbiki ndeve a ngaka a nga yingeli ke?" Kumbe lwe'a vumbiki a tihi a ngaka a nga voni xana ke?" (Ku Maps. 94:9). Hikuva a mahlu yakwe ma le henlha ka tindlela ta mun'wana ni mun'wana, ava Yene a vona a mafambela ya mun'wana ni mun'wana." A kuna wun'wana ni mun'we a ntrhuti wa lifu lanu ku nga tumbelaka kone a vasomboloki la'vayentshaka a wubihi" (Ku Job 34:21,22). "Hikuva a mahlu ya Tatana mavona a misava hinkwayu, akuveni Makombisa a wunhenha byakwe ku la'vangani wurhombe na Yene" (ku 2 Makr. 16:9).

"A katekile a mhuno lwe'a swidoho swakwe swidrivaleliwie, lwe'a swihono swakwe swifikumetiwie. Ku katekile a mhunu lweyi ku nga hlaiwiki a ku biha ha yene, lweyi ku ngaliki na manu ambilwini yakwe. (Ku Map. 32:1-5; Ku Map 51). Yesu a ha hi vitana hintamu, na a ku: "Tanani ku mine n'wine hinkwenu n'wi karhaliki, ni la'vatikeliwaka akuveni ndri ta n'wi wisisa." (Ku Mat 11:28).

A XIFANISU XA KU SUNGULA

Ku xifanisu lexi, a hansi ka nhloko, ku kombisiwa a mbilu ya mhuno; lanu ku hanyaka swivandra-vandrana le'swo karhi leswi swikombisaka a tinxaxaka ta swidoho le'swi, nga ku mbilu ya m huno, na swithlamushela le'swaku a mbilu i yindlu ni wutrhamu bya swidoho swerhu. Tatana a hi byela leswi ha muprefeta Yeremia, a ku: A mbilu hi yone musomboloki lwe'nkulu ku hinkwaswo, xana hi mani lwe'a nga yi tivaka a wuyetelelu dra yone ke?" (ku Yer. 17:9). Nambe Yesu Kriste awa fakaza a mhaka le, a ku: "Hi le ndreni ka mbilu ya mhuno lanu ku humaka a mienhleketu le'ya ku biha, a wuwoswi, ni wusinge, ni wudjambana, ni wuyive, ni ku felela, ni wusomboloki, ni wukanganyisi, ni ku yavana, ni ku vengana, ni ku rhuka, ni ku tikulisa, ni manyala (Ku Mark 7:21-23).

1. A PAVĀO – Nambe leswi a ku xonga ka pavāo ku



1. A MBILU YA MUDOHI

nyonxeliwaka hi la'votala, ambilwini ya mhuno dri kombisa a xidoho xa ku tikulisa. Lucifer "swi hlaya le'swaku: I nyeleti le'y i vangamaka)" lwe' afaka e ntrumi le'y i kulu, na yi tali hi livaningu ni matimba ya Xikwembu Nkulukumba, kambe yi wile hi nkonta ya ku tikulisa yi ndruluka a nala wa Xikwembu Nkulukumba, hi yene Sathana Davulosi. (ku Esay. 14:8-17; Ku Ezeq 28:12-17).

A ku tikulisa ku tumbuluka amunyameni, ku tikomba hi tindlela le'to tala. Van'wana vatidrunisa hi swiyambalu swavu, van'wana hi wukosi bwavu, kumbe hi wukulukumba byavu, ni hi matrhamela anawini, na kasi van'wana vatibombisa hi swilosso, kumbe hi swinyimu, ni hi wuthlarhi byavu ni hi lifuyo ni hi swin'wana. Na vatiyambalela a masindra, kumbe switlamwana, le'swihlayiwaka ku buku dra. (ku Esa 3:17-24). Xikwembu Nkulukumba a venga la'vatikulisaka, ni la'vatiyentshaka la'vanene (ku Maprov. 8:13). Kasi van'wana vatidrunisa hi vafi vavu, ni hi matiku yavu ya ku pswaliwa, kumbe hi mintlangu ni hi swin'wana. Na vadivala le'swaku: Tatana awa venga a ku tikulisa, kambe a nyika lwe'a titrongahataka. (ku Petros 5:5). Xikwembu Nkulukumba awa rhukanisa a ku tikulisa (ku Maprov 8:13). "A ku tikulisa, ka hahlula." (Ku Maprov. 16:18).

2. A XIPHONGO – I xiharhi lexi xinumhwaka ngofu, le'xikombisaka a xidoho xa wuhoswi ni wusingi ni manyala. Ku masiku ya namwaka a swidoho leswi swi hi ntalu, ku masiku la'va nge" i xinamwaka", hileswo ke, hi fanel a ku pfumela le'swaku a marhitu ya Yesu, la'a ma liresiki ku makumi mabidri ya madzana ya malembe, na ahlaya leswi: A masiku ya wugamu ma ta kotisa ya Sodoma na Gomora. A mahanyela la'ya" xinamwaka", a mahoni ntsena vavanuna kumbe vavasati, kambe ma nhingeni ni le mitine ya vakongeli ni le ku swikole le'swikulu. A mbeu ya manyala lawa, yi tikombisa hi mayentshela manyinge atimbilwini ta vhanu: Swanga hi masinema, hi mateatru hi swithombe, ni hi swibukwana le'swa hava, kumbe hi matelevisao ni hi tin'wana tindlela, leswi Xikwembu Nkulukumba a swihlayaka le'swaku i xihono, ku nkarhi lo, swi hlaiwa le'swaku i "xinamwaka". Ku makhulu-

khulu ya vhanu la'vampswa a mahanyela manene hi lawa vamadondraka hi masinema kumbe hi swibukwana swa hava, kambe a ku hanyeni ka wutomi vayia kuma a tingana ni ku tiyanakanya ka swa hava. A vayentshi va manyala ku nkarhi lo, i tinhena ta mahanyela ya namwaka. A mabayleni, hikone lanu hi minkama minyinge ku pswalaka a manyala lawa. A tinhena ta Tatana swanga ha Yosefa, (Ku Gen. 39) ni van'wana ku nkarhi lo'a kehena swiyentshu le'swa ha landriwaka. Nambe Madala Zulu, Iwe'a nga muhedene Iwe'nkulu, Iwe'a dlayaka a swihuguki, a nga hi fakazela ku mhaka le mayelana ni mahanyela ya nkama lo, la'vamatshulaka le'swaku i xilungu; ha dumba le'swaku a nga hi yavanyisa ku siku dra ku yavanyisa. Kambe Tatana awa hi trundrusha le'swaku hi nga tlangeni hi wuwoswi kambe hi byi trutruma. "A swidoho swine na swine leswi a mhunu a swiyentshaka, swi le handle ka mirhi yakwe; kambe Iwe'a woswaka ni Iwe'a yentshaka wusingi awa nyamisa a mirhi yakwe: "Kumbe a n'wi swi tive le'swaku a mirhi yerhu i tempele ya Moya wa ku Shwenga lanu wuyakike kone, na wupfela ka Xikwembu Nkulukumba ni le'swaku a hi wenu xana ke?" (Ku va le Kor. 6:18,19). "Lwe'a hohlotaka a tempele ya Xikwembu Nkulukumba, na ye Tatana ata muhohlota; hikuva a tempele ya Hosi, le'a nga n'wine, yi hlaulekile" (Ku va le Kor. 3:17).

3. A NGULUVI – yi kombisa a xidoho xa ku popswa ni madela. A ngului ya da hinkwaswu a yi hlauli ntshumu, yi da hinkwaswu, le'swa nsila ni le'swibasiki, yi xi tanu, yi kota mbilu ya mudohi le'yi yamukela a mimpimisu le'yi nyamiki, swanga hi swikhanelu kumbe swibukwana ni swithombe swa hava. A mirhi le'a nga tempele ya Xikwembu Nkulukumba Lwe'a hanyaka, ya nyamisiwa hi swakuda le'swinyamiki hi mahanyela la'nfani, swanga hi ku draha a mafole kumbe timbangi. A ku draha ku humeleta ngofu ku vavanuna ni vavasati hi ntalu. Kambe i Moya wa Xikwembu Nkulukumba ntseña lo wu nga ponisaka a mudrahi ni vandjema va Sathana. Kambe hinkwavu vakongeli a vasingite vadraha a ndreni ka kerheke, a swina nthlamushelu a ku hahlula a tempele ya Tatana hi swibyanyana swa fole; "ndri hlaya a mirhi yerhu".

"Kasi a n'wi switive le'swaku: ku hlaya Paulus; – "n'wi titempele ta Xikwembu Nkulukumba ni le'swaku a Moya wa ku Shwenga wutrhamma ku n'wine xana ke? Lwe'ataka hohlot a tempele ya Xikwembu Nkulukumba; Nayene ata muhohlot" (Ku va-le 1 Kor. 3:16,17;6:18,19).

Lwe'wa magolo nayene awa rhukanawa amahlweni ka Tatana, hikuva hi dela a ku hanya, kambe a hi hanyeli a ku da. A ndlala yi hluliwa hi ku da a swakuda le'swinene, kambe a magolo ma le: "Buyisa! Buyisa!"

A magolo a maxurhi. Mayelana ni naw wa buku le'dra khale: lwe'wamagolo ni mpopsyi vafanela a ku yavanyisiwa hi marhibwe (Ku Deut. 21:18-21). "Lwe'wamagolo ni mpopsyi vata wela awusiwanine: a wurhongo byi tisa wusweti, A muyakelani wa la'vamagolo vayentsha tingana a vapsyele (ku Maprov. 23:21; 28:27). A hi trundrukeni lwe'afaka e xigogo kambe afa ani magolo ni wumpopsyi, akufeni kwake ayie pfula a mahlu yakwe ka Sathana, lanu afaka kuni tinhanisa le ta ku karharata. A wubihdra byala a byi faneli ku hlauteleiwa, hikuva a mayentshela ya drone mativiwa hi la'vanyinge! Tatana awa hlaya hi rhitu drakwe a ku: Ni yin'we mpopsyi yi taka kuma a nfumu wa matilu. Swanga hi lwe'a vandrelaka ni lwe'a xavisaka byala le'dri biliki awa yila amahlweni ka Tatana, Yene a ha hlaya leswi: "A varhukanawi la'va nga tinhenta ta ku nwa a mabyala la'ya ku bila, ni la'vamakandrelaka." (ku Esa. 5:22). "A ku rhukanawi lwe'a voko drakwe dri nyikaka makwavu byala! Wene lwe'wukaka byala ahotrwene u nyika makwenu akuveni a popswa," (Ku va Heb. 2:15) "Aminkhubyini kuni madandana ni swipalapala, ni maharpa ni switende kambe a sope a dri pfumaleki, A valangusi a mintirhu ya Tatana, nambe hi swiyentshu swa mavoko Yakwe." (Ku Esai. 5:12). "Nwi ngave somboloka: nambe akuva vankisemeli va swivathliwa, ni vawoswi, ni vasodomita, ni masinge, kumbe vafeleli, vayivi ni timpoppsyi, hikuva hinkwavu va nga ti wukuma a nfumu wa matilu." (Ku-va-le kor 6:9,10).

A swidoho swa nyama swi le alivaleni! Byi nga wuwoswi, ni

wusingi ni manyala, ni wumbuye, ni ku khongela swifanisu ni swikwembu swa hava, ni mintirhu ya wungoma, ni ku vengana, ni ku lumbetana, ni mona, ni lunya, ni mpika, ni timholova, ni ku yavana, ni ku tronana, ni ku dlaya, ni ku popswa, ni magolo. (Ku va le Gal 5: 19-21). "N'wi nga popsweni hi byala lanu ku ngani timholova, kambe talani hi Moya lo wa ku Shwenga." (Ku va le Efs. 5:18).

Yesu awa hi vitana a ku: Lwe' a ngani torha a te ku mine a nwa. (Ku Yoha. 7:37,38). "N'wine hinkwenu n'wi ngani torha, tanani ku xihlovo le'xa mati; na n'wine la'n'wi pfumalaka mali tanani n'wi ta xava, n'wi da; kunene, tanani n'wi xava, na a nge hi mali, a sope ni ntrwamba." (ku Esa. 55:1). Lwe'ataka nwa a mati la'ndri to munyika a nga ha tava na torha, hikuva a mati la'ndri ta ka muhanana wone atava xihlovo le'xi nga helikiki. (Ku Yoh. 4:14).

4. A NFUTRHU – yi kombisa a xidoho xa wulolo ni ku trhemba swikwembu swa hava. A wunyanga ni wungoma, byi kotisa a wuloyi, "A wulolo bya dlaya, hikuva a mavoko matrandreka a ku tirha." (ku Maprov. 21:25,26). Yosefa ahlaysi leswi ku vana va Israeli: "N'wi ngave loloha a ku tirha a misava" hikuva a mhunu hi matrhamela yakwe awa loloha a ku tirheni ka mintirhu ya Xikwembu Nkulukumba. Naye Yesu Kriste, ahlaysi leswi: "Nhingenani hi nyangwa le'ya ku khuma." (ku Luk 13:24). Lwe'ataka swidjula ata swikuma: "Nambe ku nkama lo, keheni a ku lwetana hi nfumu wamatilu; hi ku tirhisa ntamu; valwa ha wone." (Ku Mat. 11:12).

A ku lolowa ka ku ntrhunxeka ni ku hanya awuton'wini bya Moya wa ku kwetsima, ku hi yisa akuloveni, ka hi lolowisa a ku khongela, ni ku ninghena awuyetelelwensi bya Xikwembu Nkulukumba, ni le akuyamukeleni ka yavelu dra Tatana, swi hi yisa akuloveni ntseña. Loko ke Xikwembu Nkulukumba a n'wi thlamuxela leswi, na a n'wi tiyisa ka le'swaku n'wi nyiketa a timbiļu tenu, kambe Sathana a le: "N'wi ta tinyiketa mundruku kumbe ku siku drin'wana!" kambe, i siku ledri dri ngataza dri thlasile ni siku drin'we; kambe, hi kola ka kutiyalisa n'wi taza

n'wi fa na n'wi nga kumanga a ntrhunxeku nambe a ku vonana na kriste. Hi kolantu ke, Tatana, ahlaya leswi: "loko, namunhla n'wi yingela a rhitu drakwe, n'wi nga yaliseni a timbilu tenu" (Ku va Heb. 3:7,8). La'votala valovile hi nkonta ya ku hlwela a ku tinyiketa ni ku loloha! Hi lokolantu ke, tivani le'swaku a lisiku dra mundruku a hi drenu.

A xikhumba xa nfutru xitirhisiwa ngofu hi tinyanga ta vahanyi vantima va tiku dra Afrika Dzonga. Xithlamuxela a ku trhemba a swikwembu swa hava ni wungoma ni ku hlahluluva. Ngofu ngofu amasikwini ya nhlomulu ni mavabyi, ni maxangu ni lifu, ha ha vitaniwa akuveni hi drunisa Xikwembu Nkulukumba' lwe'a hanyaka, lwe'a ngani lilondro na hine, mathramwine ya ku trhemba swa hava. Hikuva, a ndlela ya mhunu lwe nene yi tiviwa ha Tatana." (Ku Maps. 37:23). Hikuva, a hi mathlelu hinkwawu lanu ku pfaka a ku thrava, kambe Xikwembu Nkulukumba, a lerisi va ka Israeli a ku: Ku nwine ku ngave na muhlahlulvi, mungoma kumbe nyanga ni lwe'a vutisaka mimoya ya vafi: Hikuva hinkwawu la'vayentshaka tanu, vayila amahlweni ka Tatana. (ku Det. 18:10-12). "A vangoma, ni madjambana ni masinge, ni la'vamadrimi vatava handle." (Ku Tinh. 22:15). N'wi ngave thremba vangoma ni tinyanga akuveni n'wi nga tinyamisi swin'we navone: (ku va Lev 19:31). Loko ke, mun'wana a ku, ku n'wine: Yanani a ku hlahluleni n'wi yia tiva ta vafi, xana a swiyampswi akuva n'wi trhemba Tatana ke? Kumbe xana swi nga koteka le'swaku a vafi vatlula la'va ku hanya ke? A wumboni hi lebyi: "Loko ke va nga vulavuli, hi mayentshela lawa, va ngaka va nga voni ntshumu." (ku Esa. 8:19,20).

Kutane, vanakulobye vadondri va xibukwana lexi; na n'wa ha dondra a matralwa lawa, trundrukani le'swaku; Xikwembu Nkulukumba, awa n'wi vona ava a n'wi kombela akuveni n'wi tiyanakanya ku swidoho swenu ni le akutinyiketen ka wutomi byenu ku Yene; Kambe a moyo wa nfutru, lo'wu nga ku n'wine wa n'hlevetela wu ku: I swinene n'wi tinyiketa ku siku drin'wana. Nangwesu, wuttlela wudringisa a ku huhutela a timbilu tenu hi wutoya bya marhitu yanga hi lawa: "Xana va ta

ku yini a vanakulobye ni la'votala, loko ndri hundruka a mukriste? Ndri ta hanyisa a ku yine ke, loko ke ndri nga hayie amabayleni, kumbe a masinema ni le ku min'wana mintlangu ya misava? Matrhamwini ya ku langusa a wumenyemenye bya Yesu Kriste, ni timpswalu takwe le'ta ku ka ti nga hlayiwiki. Matrhamwini ya kuva n'wi yamukela a wumbilu drakwe le'dra ku tala hi matovoko n'wi langusa ntsena leswi n'wi nga ta switrhika kumbe ku swiluza. Kambe ke, loko n'wi pfumela le'swaku Kriste a ninghena atimbilwini tenu, hinkama wolowo a wutoya dra lifu ku mun'wana makwavu bya n'wi yimela amunyameni wa davulosi. Kambe Kriste a tile a ku tata ntrunxa hinkwavu lava hi wutoya dra lifu va nga vandjema awutomwini hinkwabyu. (Ku va Heb. 2:14,15). A moya wa ku tiyalisa wunonomwhisa timbilu swanga i xikhumba xa nfutrhu.

5. A YINGWE – i xiharhi le'xikarhihaka xiva xini mahlundru. A wukarhi ni matrhamela ya ku biha, swanga hi mona ni lunya ni mahlundru swifuma a mhuno wa tanu, swiva swimuhlohlotel a ku dlaya. Nambe u nga dringisa a ku hlula a mahlundru kambe, hi wugamu u ta yahlukana. I swa hombe u tihlaya le'swaku leswi swikone ambilwini yaku, kutane u kombela ku Yesu akuveni a ku nthlanthla. "Hi leswo ke, trhika a mona u yala a mahlundru, u nga ve hlundruka akuveni u nga dohi." (Ku Maps. 37:8). Oh, ku wurhena bya mahlundru ni lunya. Kambe hi mane lwe'a nga kotaka a matroho xana na?" (Ku Maprovs. 27:4). A mahlundru matumbela andreni ka la'va ku hunguka; hi leswo ke, trhendreta mbilu yaku kule na wone. (Ku va Ecl. 11:10). Rhulani a swiyentshu hinkwaswu le'swa ku biha, swanga hi mona, ni lunya, ni mahlundru, ni wusomboloki ni swirhuku le'swihumaka hi le minomwini yenu." (Ku va le Col. 3:8).

Van'wana vamietisa a wurhena byavu hi ku nwa byala, kambe: "A sope dra karhiha, kukotisa a a malhungu ya tinhlarhi ni madragoni." (Ku Det. 32:33). A ku thlelisela ka nandrika ambilwini ya muthleliseli, kambe ku bekeliwe Xikwembu Nkulukumba ntsena. Hi leswo ke, Yesu alhaye

Ieswi: "Rhandrani a valala venu" Yesu a hi lerisi a ku drivalela a swidoho swerhu loko nahine hi drivalela la'va hi dohelaka. A moya wa yingwe nawone wa yila amahlweni ka Xikwembu Nkulukumba. A moya lo'wa ku djadjamisa ngati ni tiyimpi nawone wa rhukanowi amahlweni ka Xikwembu Nkulukumba. Kambe a ku rhula ku fanela akuveni ku va kone ambilwini ya mhuno.

6. A NYOKA – yi kanganyisi Adam na Eva a Paradisi dra le Eden, dri hohloti a ntwananu lo'afaka we kone ku mhuno na Xikwembu Nkulukumba. Sathana, i ntrumi le'yi wike hi nkonta ya matroho na Adam na Eva. Loko Sathana a voni Adam na Eva na vafuma amisaveni a ndreni ka ntwananu na Xikwembu Nkulukumba, na va le henhla ka wutrhamu dra Lucifer, Sathana a yanakanyile a ku hahlula a ntwananu lo, ni wutomi dra ntwananu na Tatana, ava ke a swikota. Hi byo wukwele le'bya wudavulosi ni matroho le'byi nga mbilwini ya mhuno le'byi hahlulaka a timpswalu ambilwini ya vhanu vo karhi. Hi le'swyentshaka le'swaku loko van'wana vavona a vamakwawu na vatihanyela ha hombe, "A wukwele byi tie swanga i sirha." (Ku va le Cant. 8:6). Kutane ke, hi mayentshela lawa, Sathana awa huhutela a moya lo'wa ku holhota andreni ka mbilu ya mhuno, lo'hi minkama min'wana wuyentshaka a ku dlaya. Swiyentsheka ngofu-ngofu hintalu, ku vatekani, ku mahanyela ya bindru ni le ku swatinongoso, swiva switisa a wusweti ni timholova le'ta ku ka ti nga gami. Nambe hi vakhongeli kumbe, vahaxi va rhitu dra Xikwembu Nkulukumba ni tihosana ta nfumu a va le kule ni mahanyela la'ya wukwele. Hi leswo ke, vafanela a ku tivonela swinene na va le karhi va tala hi Moya wa ku Shwenga. Hi mayentshela man'wana, la'ya mimpimisu ya ku: Xikwembu Nkulukumba a tirha hi mun'wana k tlula vone; leswo ke, swa hona a wumhuno byavu ku Tatana.

7. A KHELE – dri hi trundruxa a xiharhi xa ku felela ni "ku rhandra a mali" leswo ke hi dro tsinya dra ku doha." (ku Tim 6:10). Atikweni dra Kongo, kuni a makele yo karhi, la'madaka a wusokoti hi madzana-dzana, kondra ma byi heta, ava ke hi

wugamu mafa. A mhuno wa ku felela a nga swikoti a ku nyika, a nga pfuni la'vapfumalaka, la'va nga wusiwani; hi tindlela ta wukanganyisi awa yentsha le'swaku a yivela makwavu a wukosi bya misava le'byi kurhaka. Yesu Kriste ahlhaye leswi: A hi bekeni a lifuyo drerhu atikweni le dri'nge ke na ku diwa hi makhamba la'mayivaka." Hikusa lanu awukosi drenu dri nga kone hi lanu timbilu tenu ti ngatava kone. (Ku Mat. 6:19-21). Akā ni muti wakwe valovile, hi nkonta ya ku rhandra a makerubin, ni masilver, ni marhibwe la'ya ku phatima, ni swiyambalu swa ku dula. (ku Yos. 7). Yuda Skariote, nandra wa Yesu a tisungile, hikuva a lirhandru dra mali le'dri nga ku mhuno dri yentshi le'swaku Yuda a ndrulukela a nhondrwa yakwe Yesu – Tatana, hi nkonta ya ku rhandra a mali. Kambe ke, a hi mali le'yi dohaka; i lirhandru dra mali le'dri tumbelaka ambilwini ya mhuno.

A makhulu-khulu ya vhanu vavanuna ni vavasati, ni tinxakaxaka ta mihlovo hinkwayo ya vhanu vahahlula miti yavu hi nkonta ya ku navela a ku kuma a mali hi nkama wutrongo: Hi ku tha a malotaria, kumbe a mphikisanu ya mahantshi, ni le ku ntlulantluna ya bolwa ni swin'wana. A moya lo'wa ku navela a wugogo, na wu nga tirhanga, wuyisa ka ku venga ni wudjambana. A lirhandru dra mali ni ku felela swafabelana, swiva swikumana kambe ni swin'wana: A lirhandru dra ku drunisiwa, ni wuhosi; wuhosi bya ku fuma kumbe bya mali, ni ku kandretela van'wana kumbe swisiwana, nambe hi bya wukhongeli le'byi tshaviwaka ntsena ku tlula Xikwembu Nkulunkumba. I wukhongeli le'byi yavukanyisaka a mukriste l've a nge ke ku kerheke nadrin'we. (Ku Mar 9:38). Yesu alhaye leswi: "Hi kolau ke, tivonelani n'wi rhindra ku moya lo'wa ku felela, hikuva, a wutomi byenu a byi le ku leswi hi swi bindrulaka kumbe ka wukosi byerhu: (Ku Luk 12:15). A xihtana xa l've'waxigogo ni xihunguki, "A trhala dra l've'wanuna wo karhi, l've'afaka a bindruli ngofu, na a tibuma a ku: "Xana ndri nga ha yentsha yine ke? A ndrina lomu ndri nga ha bekaka kone a ntrhovelu wanga, nangwesu a thlela a ku: Ndri to halhlula a matrhala la'ya khali ndri yaka la'makulu, lanu ndri ta bekaka kone a wukosi byanga, kutane ndri ku, ku

moya wanga: Uni trhala le'drikulu, dri taka ku tirhela malembe la'yo tala: Yetlela, wisa, dana, nwana, kina, kumbe trhika a ku tirha. Kambe Tatana ate ku yene: Ntunga, ndruena, ku wusiku dra namunhla wavitaniwa akuveni vateka a moya waku. Kutane leswi u swi bekisiki u ta swi nyika mane xana ke? "Leswi swi tlhamushela ku lwe'a butrhelaka a lifuyo le'swaku, yene a hi xigogo amahlweni ka Xikwembu Nkulukumba." (Ku Luk. 12:16-21). "Xana swi nga pfua yine akuba a mhuno a kuma swilu hinkwasw swa misva kambe a lusa wutomi." (Ku Mar 8:36). "Nwi nga titshaveleni hi wutomi byenu, ku leswi n'wi taka da mundruku, nambe hi mirhi yenu ku leswi n'wi taka yambala. Kambe tibekiselani ntsena ku Moya wa ku Shwenga, kutane hinkwaswu leswi n'wi ta yengeteliwa.... Hikuva la'byi ngatava kone a wukosi byenu hi lanu ku ngtava kone a timbilu tenu." (ku Luk. 12:22-34).

8. SATHANA – tatana wa madrimi ni wa la'vahembaka, hi yene muhlohlotel i wa xidoho, hi yene lwe'a fumaka ambilwini. Yesu, ahlaie leswi: "A tatana wenu hi Davulosi; funtrhi n'wi navela a ku munyonshisa, kambe yene ave mudlaye, kusukela amasunguleni, e ngena ntiyisu; loko a vula-vula madrimi, a khanel a le'swimufanelaka, hikuva i muhembi funtrhi i tatana wa madrimi." (ku Yoha 8:44). A xidoho le'xitrongo xinyami ngofu swanga hi le'xikulu. Kuni madrimi ya ku khanel, ni la'ya ku matrala, ni la'ya ku mayentsha. (ku Tit 1:2). "Loko ke hi ku: Hi ni ntwananu na Yene nakuve ke yi famba amunyamteni, na hi hemba na hi nga yentshi le'swi nene." (Ku Yoha. 1:6). "Titava handle a timbyana, ni wungoma, ni la'va ku gandrela a swikwembu swa hava ni lwe'a hembaka ava a vulavula madrimi." (Ku Tinhl 22:15). "Tatana awa rhukanisa a wumboni bya madrimi ni ku hemba." (ku Maprov. 6:16-19).

9. A NYELETI – yi kombisa a lipfalu ra mhuno. A lipfalu dri kone ambilwini ya mhuno; mun'wana ni mun'wana, akuveni dri mutrundruxa a swidoho swakwe. Ku xifanisu lexi, yi kombisa a ku nyama, ni mudohi ni ku leva, nambe ku fa hi nkonta ya xidoho le'xi nga helikiki ni ku karhiha ka mbilu. A lipfalu le'dri nyamiki, le dri nge yavanyisiki a swiyentsu swadrone, Hi

nkama wun'wna dri rhulile kambe hi wun'wana dra bandlukana. Hikolanu ka kuva dri yahlukana dra yavanyisa dri tiela dri tiyanakanya. Hileswo ke, dri nga fananisiwa ni ndrilu wa nhumbu loko wuheti a wurhena, na dri yingela ntsena a swikwembu swa hava ni mimoya ya mademona. (Ku 1 Timo. 4:1-7; Heb 10:22).

10. A TIHLU – dra Xikwembu Nkulunkumba dri vona ndreni ka timbilu terhu, dri tiva xihundla xerhu ni le'swifihliwiki. A kuna le'xifihliwiki amahlweni kwake. Naswo'swifaniso leswi swa ha kombisa a wuyetelelu bya mirhi ya mhuno.

11. A MALANGAVI YA NDRILU – Makombisa lirhandru dra Xikwembu Nkulunkumba swanga hi leswi matrandrielaka mbilu. A lirhandru dra Xikwembu Nkulunkumba, dri xitanu, dri trandriela a timbilu ta vadohi, swikomba le'swaku, Yene awa murhandra ava a navela le'swaku a hundruka. Xikwembu Nkulunkumba a nga nyonxi hi ku fa ka mudohi, kambe a rhandra le'swaku a hundruka a hanya. A malangavi nahone ma hi trundruxa a ngati ya Yesu Kriste, "Xinyempfana xa Xikwembu Nkulukumba le'xikhuvulaka a swidoho swerhu amisaveni."

12. A NTRUMI – yi kombisa a rhitu dra Xikwembu Nkulunkumba. Hikuva Xikwembu Nkulunkumba a navela a ku vulavula ni mhuno: wanuna ni wa nsati la'vayengiwiki ni la'vataliki hi swidoho akuveni vatrhika a ku somboloka, vaningheni ku Moya lo'wa ku Shwenga ni ku lirhandru dra Xikwembu Nkulukumb ambilwini yakwe.

13. A TUVA – dri kombisa a Moya lo'wa ku Kwetsima, wa xihlayelafuntri, lo'wuhlulaka xidoho wuva wupfuletelaka a mbilu akuyavanyiseni. Hi leswo ke, wu le handle ka mbilu ya mhuno, kutane ke, hi nkonta ya swidoho swa mirhi, a wu nge kumeki lanu a xidoho xifumaka.

Loko ke, a swifanisu leswi, swikombisa a matrhamela ya vadondri va xibukwana lexi, bongosani ka Tatana, n'wi mupfulela a timbilu tenu n'wiva n'wi mutrhrika a ninghenisa rhitu drakwe.

"Kholwani ke, ku Yesu Kriste, akuveni, n'wi ta drivaleliwa a swidoho swenu." Xikwembu Nkulukumba a navela a ku n'wi huluxa, Yene awa navela a ku ndruluta a timbilu tenu ava a n'wi nyika a timbilu timpswa ni moya lo'wumpswa. Leswo ke, swikombisiwa ku xifanisu xawubidri.


A XIFANISU XAWUBIDRI

I xifanisu xa mhuno lwe'a sungulaka a ku hundruka hi ku djuletelia Xikwembu Nkulukuma. A ntrumi yi tameli lipanga dri nga rhitu dra Xikwembu Nkulunkumba lwe'a hanyaka; dri ni ntamu a ku hundra a tipanga hinkwatu le'tikarhihaka, le'tilotiviki a mathlelu hinkwawu: dra thlava a mbilu, dra yavanyisa kondra dri thlasa amathlangan'wini ya mbilu ni moya, ni le ku marhambu ya nhloko la'ma pambielaka a wutlhopo. Kambe drini ntamu lo wakuva dri tiva a mimpimisu ni ku yanakanya ka mbilu. (Ku va Heb. 4:12).

A rhitu dra Xikwembu Nkulunkumba dri hi trundruxa le'swaku: a yavelu dra xidoho i lifu ntsena, a mhunu a yaveliwi akufa kan'we ntsena, a ntrhaku ka swone a yavanyisiwa. (ku va Heb. 9:27). A yavelu dra mudohi ni muhedeni atava "Nambu lo'wududumelaka hi ndrilu wa phalafeni." (Ku Tintha 21:8).

Hi thlelu drin'wana, hi vona a ntrumi na yi tameli a marhambu ya nhloko ya mhuno. Leswo ke, swi hi trundruxa le'swaku, hi ta fa. A mirhi yerhu le'hi yi rhandraka, hi yi yambexaka, hi yi disaka akuveni yi xonga na hi yi xongisa yi va hi yi trhavisa ku swinyoxisi swayone, kambe, a hi trundrukeni le'swaku yi ta fa, yi bola, yi va yi diwa hi swivungu, na kasi a moya ni hika drerhu mi ta yia hanya ka wutomi le'byi nga helikiki. A mimoya le, ku siku drin'wana, yi ta yia humelela amahlweni ka wutrhamu dra Xikwembu Nkulukumba.

Lanu, hi vona a mudohi loko a sungula ku yingiseta a rhitu dra Tatana; hi leswo ke, a pfula a mbilu yakwe ku Tatana, kutane, a Moya wa ku Shwenga wu sugula a ku phatima, na yo mbilu le'afaka yi nyamile hi swidoho, yi sungula a ku



2

2. A MBILU LE'YI WONGIWIKI HI XIDHO

yamukela a livaningu. Loko ke, a livaningu dra Xikwembu Nkulukumba dri sungula a ku nhingena, a munyama wufanela a ku humela handle. A xidoho le'xikombisiwaka hi swivandra-vandrana le'swo tala, swifanel a ku huma switrutruma. Hi leswo ke n'wine vadondri va xibukwana lexi, pfumelani le'swaku, Yesu, Livaningu dra misava, a nhingena atimbilwini tenu. Swanga hi leswi swikombisiwaka ku xifanisu lexi, Yesu Kriste ahlaye leswi: "Hi mine Livaningu dra misava, Lwe'a ndri landraka a ngaka a nga fambi amunyameni." (Ku Yoh. 8:12). N'wi nge swikoti a ku hlongola a munyama atimbilwini tenu hi ntamu wenu, kumbe hi wutive bwenu, kumbe a ngava hi wutive dra wumhuno. A mayientshela manene la'manabyaliki ya ku hlula a munyama i ku trhika a livaningu dra Xikwembu Nkulukumba dri ninghena amunyameni, hikuva a munyama a nga swihono swerhu swita humela handle switrutruma. Kunene, a n'weti ni tineyleti swa hi pfuna a ku vona amakarhini ya wusiku, kambe, loko byixa a munyama, ni livaningu ni tineyleti ta nyamalala. Hi xihlayelafuntri, Yesu i dambu dra ku yavanyisa. Loko a nigheni atempeleni ya Yerusalem, a hlongoli hinkwavu lava afaka va xavisa a tihomu, swituvana, tihamba ava a hlwanya a mali ya vatxintxisi (va mali) a ku ku vone: "switraliwile: le'swaku: Awuyakwini dranga a tava yindlu ya wukhongeli, kambe n'wi yi ndruluti a khokholo dra vayivi ni makhamba." (Ku Mat 21:13). A timbilu tenu tiyaveliwi akuva yindlu ya Xikwembu Nkulukumba, a nga Tempele ya Tatana. Yene a navela a ku hanya ku yone; hi leswo ke, yi tatani hi livaningu, ni timpswalu, ni ku trhava, yi ndruluka le'yi xongiki. Yesu a nga telanga ntsena ku drivalela a swidoho swerhu, kambe akuva a hi ntrhunxa ku nfumu wa xidoho. "Loko ke, A n'wana a n'wi ntrhunxa, ha dumba le'swaku n'wi ta ntrunxiwa nan'wine." (Ku Yohana 8:36).

A XIFANISU XA WURHARU

Ku xifanisu lexi, hi vona a mhuno lwe'a tisolaka ku swidoho swakwe, leswi Yesu a nga vambiwela swone axihambanwini. Loko ke a langusa a xihambanu lexi a ntrumi yi xitameliki avokweni, hikuva a ntrumi yi tlamuxela a rhitu dra Xikwembu



3

3. A MBILU LE'YI TIYANAKANYIKI

Nkulukumba a mhuno awa thlaveka ambilwini hi ku vavisek loko a yanakanya a ntalu wa swidoho swakwe. A wurhombe le'byikulu bya Xikwembu kulukumba le'byi tivonekisaka ku Kriste na byi yahlukanisa a mbilu yakwe, ngofu-ngofu loko a trundruka le'swaku Yesu Kristeke, a N'wana wa Xikwembu Nkulukumba a tile amiseveni akuveni a byatrha a yavelo dra swidoho swerhu, leswi Yene afaka a tibekiselile ku lifu ledri afaka dri hi fanekelile.

Mbosí leswi Yesu Kriste a nga kwapiwa, ava a thlela a rhweshiwa a harhi ya mitwa, ava a vambiwa a mavoko ni milenge axihamban'wine, na a fela a swidoho swerhu; hi kolanu, awa hlamatila swinene a mudohi lwe'a tiyanakanyaaka, lwe' ndrulutaka a mbilu ni wutomi byakwe. Loko ke we he karhi u dondra a rhitu dra Tatana, kutane ku kombisiwa le'swaku, yene awa tivona ava a tiyanakanya, swanga hi loko a le ka xivonivoni, kutani a vona le'swaku kasi a trhendreki kule na Xikwembu Nkulukumba ava a vona le'swaku a hahluli naw Wakwe. Hi leswo ke, a mbilu yakwe yi yahlukanile. Kutani, a khunguvanyeka swinene; kutani, a mudohi a pfula a mbilu yakwe ka Xikwembu Nkulukumba, a halata a minyembeti hi ku drila. Kutani, Yesu a hanga sungula a ku mutrhendrekela. A wurhombe ni liliirherhe bya Xikwembu Nkulukumba bya ninghena ka mbilu yakwe, Loko ke a sungula ku tiva le'swaku: "A ngati ya Yesu Kriste, N'wanakwe, ya hi hlampswa ku swidoho swerhu." (Ku 1 Yoh. 1:7). "Tatana a le kusuhi ni lava a timbilu tavu ti herhekiki." (Ku Maps. 34:18). Hi kola ka ku yetelela ka rhitu dra Xikwembu Nkulukumba ahlaya leswi. "Hi yene lwe'ndri taka mulangusa, lwe'wa xisiwana, ni ku dreleka amoyeni, kambe hi lwe'a rhurhumelaka amahlweni ka Rhitu dranga." (ku Esa. 66:2). A moya wu ku Shwenga wa ku hlevetela a marhitu ya Yesu, wu ku: "N'wananga, hanya akurhuleni a swihono swaku swi tretreleliwile, "Na wu le karhi wu langusa a xihambanu, ni ngati ya Yesu Kriste le' yi nga halaka kone, na hi kholwa le'swaku, hi nkonta ya yo nati le Kriste a hi felike; kutane ke, a sungula a ku swivona le'swaku, a khuvuliwile akutikeni ka swidoho. Hi xihlayelafuntrhi, Yesu a byatrhi a wusomboloki ni swivavu swerhu. Yene, a vavisiwile hi

nkonta ya swidoho swerhu ni ku nomhwa ka timbilu terhu. Kasi, Tatana a murhweshi a harhi ya swihono swerhu." (Ku Esai. 53).


Nangwesu, hi vona lanu a Moya wa ku Shwenga loko wutata a mbilu yakwe, le'afaka yi le amunyameni na yi tali yi nsila, kambe swoswi hi le'yi basiki swanga i hunguva, hi kola ka ngati ya Yesu Kriste. (Ku Esai 1:18). Hi leswo ke, a Moya wa ku Shwenga wu beka a wumboni bya le'swaku, a Moya wakwe wu drivaleliwile. Hi kolanu ka matimba Yakwe a ndruluki a n'wana wa Xikwembu Nkulukumba. (Ku va le Kor. 6:10,11). Hikuva, ha Yesu, "Hi kuma a ku ntrunxeka hi ngati Yakwe. A ku drivalela ka swidoho swerhu mayelana ni wuyetelelu dra wurhombe byakwe (Ku va-le Ef 1:7). A munyama lo'wa ku sombloka, kutane wa navela a ku hanya ni ku tirhela ntsena Xikwembu Nkulukumba, Lwe' amasunguleni a hi rhandriki. Hi leswo ke, matrhamwini ya ku rhandra a misava, ni swa misava, a hi rhandreni ntsena yene Xikwembu Nkulukumba ni swa Tatatana.

Ku xifanisu lexi, kutane ha swivona le'swaku, a swivandra-vandrana, le'swikombisaka a ku somboloka swi le handle ka mbilu yakwe nambe Sathana a humela handle, na e nge hi ku rhandra kwake, hi leswo ke, a karhi a langutela ntrhaku na a dondra a mayentshela man'wana ya ku thlela a ninghena; hi yo mhaka le'Yesu Kriste a hi trundruxaka akuveni hi rhindra na hi khongela, akuva hi tiyisela ku marhengu ya Davulosi ni kuva hi kota akuva a trutruma.

A Moya wa ku kwetsima ni lirhandru dra Xikwembu Nkulunkumba swinginghena ambilwini hi ku langusa a Xihambanu lanu a ngati ya Yesu Kriste yi nga halakela kone. Ava a kuma a ku tretreleliwa ka swidoho swakwe, hikusa a ngati ya Yesu Kriste N'wana wa Xikwembu Nkulunkumba yi hlampswa a swidoho swerhu hinkwaswu. (Ku Yohana 1:7).

A XIFANISU XA WUMUNI

A xifanisu lexi, xikombisa a mukriste lwe'a kumiki, a ku rhula



4

4. A MBILU LE'YI FAKA NA KRISTE

hi nkonta ya mhamba ya Yesu Kriste. "Hikolanu, a mhuno lwe'a nga ha tidrunisi, loko e nge xihambanwini xa Tatana werhu Yesu Kriste, Lwe'a vambiweliki a misava." (Ku va le Gal 6:14). "Hosi Yesu a feli axihambanwini ava ke ha byakwe a byatrha a swidoho swerhu amirhini Yakwe akuveni loko hi file ku xidoho hi kuma a ku hanyela ka ku yavanyisa." (Ku 1 Petros 2:24). Na ye mukriste a vambiwi ahenhleni ka swidoho swa misava. Hi leswo ke ha trundruxiwa akuva hi famba hi Moya na hi nga xurhisi a ku navela ka nyama. (ku-va-le Gal. 5:16,25).

Ku xifanisu le'xa mbilu ni vona a mhandri (xihambanu) ku le Yesu a nga boheliwa kone ava vamuvamba ntraku vamuuhlivila a mpahla yakwe. Swatikomba a swisepu leswi va nga mukwapa ha swone, hikusa a ku layiwa kwerhu afa ku le henhla kwake. Yene, a kwapiwi hi nkonta ya swidoho swerhu. Heroda ni malandra yakwe vamufeduleli, na ve'karhi vamukwapa na vamuyambesha a nkantshu wa ku pswuka. Vamurhwexi a harhi ya mitwa, matrhamwini ya harhi ya nsuku, vamutamelisi a lihlanga avokweni dra xinene, matrhamwini ya nhonga ya wuhosi, vathlela vamukhinsamela hi ku tuyeyisa na vamuheula va ku: "Ya!... Hanya ka hosi ya vayuda!" Vamuthukeli vathlela vasusa a lihlanga, vamuba ha drone anhlokweni. Loko vakarhalile hi ku hlupa a mirhi yakwe hi mayentshela ya tingana ni mona, vamuteki vaya muvamba.

A vakriste la'votala va swoswi vakhongela atinhlegeletanwini tavu, vasima tinsimu ta Xikwembu Nkulukumba hi swiyentshu swavu hava, kambe leswo, vavamba a Hosi yavu. A hinkwatu la'va nge: Hosi, Hosi! Va nga ta ninghena amatilweni, kambe anfumwini wa matilu ku ta ninghena la'vayentshaka a ku rhandra ka Tatana. (Ku Mat. 7:21,27).

Ku Xifanisu lexi, hi vona a saka dra mali, le'afaka yi ya Yudas Skariote, lwe'a nga tumbelela ava a xavisa Yesu Kriste hi mali ya makumi marharhu (ya mali) ya silver. Hikuva, a lirhandru dra mali dri hluli a mbilu yakwe dri va dri mupfala a mienhleketu. A khandlela ni tipentshana ni matshini, ni

swin'wana, hi le'swi nga tirhisiwa hi masotshwa loko mahlwanyi a mpalha yakwe, leswo ke, afa ku hetiseka a matralwa la'ma nge: "Vahandruleli a mpahla yanga vayavana ha yone, vahamba pfumba-pfumba. (Ku Maps 22:18). Vateki hinkwaswu leswi afaka e na swone, kambe vayala a mhunou wakone va ku: "A hi djuli le'swaku Iwe' a hi fuma!"

A misava hi naw wakone, yi navela a ku yamukela a matovoko ya Xikwembu Nkulukumba, a mpfula, ni dambu; kambe a yi naveli akuva a hansi ka nfumu wa Xikwembu Nkulukumba. Ku la'votala, Xikwembu Nkulukumba i khokholo ankameni watinxanisa ni maxangu.

"A masotshwa, mamuthlavi xifuva ni mbilu hi lipanga, kutane ke, ku huma ngati ni mati." (ku Yohana 19:33-37). A ntraku ka kuva a nkuku wu yimbile, Petros afa a dreli Yesu hi minkama mirharhu, kambe ntrhaku a tiyanakanyile, kutane a drila minyembeti le'ya ku bava. N'wi le thlelweni dra Yesu hi marhitu ni swiyentshu xana ke? Kumbe n'wi ni tingana ta ku tisola a vhan'wini xana ke? Yesu ahlayse leswi: "Lwe' ataka tisola ku mine amahlweni ka vanu, namine ndri ta tisola na Yene amahlweni ka Tatana, Iwe'a nga matilweni. Kambe Iwe'a ngata ndri drela a vhan'wini, na mine ndri ta mudrela amahlweni ka Tatana Iwe'a nga amatilweni." (Ku Mat 10:32,33).


Yesu nangwesu ahlayse leswi: "Lwe'a nga rhwalikiki a xihambanu ni Iwe'a nga ndri landriki, a nga ndri faneli." (Ku Mat 10:38). Vakatekile la'vatiyiki ku rhibwe, ledri a nga Yene Yesu Kriste!

Rhibwe le'dri nga helikike, Oh! Yesu wanga,
Wene L'we ha mine u viki axihambanwini le'xa ku bava,
 U vavisiwiki ahenhleni kwanga,
 Lwe'afeliki a ku ndri huluxa,
Ku Yene ndri navela a ku tumbela,
 Hikuva swi nga ndri yampswela!

A XIFANISU XA WUNTLHANU

A xifanisu lexi, xikombisa a mbilu le'yi shwengiki yi va yi halmpsiwa ku swidoho, le'yi huluxiwiki hi ntamu ni wurhombe dra Xikwembu Nkulukumba. Hi xihlayelafuntri yi ve tempele ya Xikwembu Nkulukumba ni wutrhamu dra Tatana, dra N'wana ni Moya wa ku hlauleka, swanga hi matralwa ya Yesu Kriste La'ma nge: "Lwe'a ndri rhandraka, ata bekisa a rhitu dranga, Na Ye Tatana ata murhandra, kutane ke, hi tata ku yene, hi yaka a wutrhamu." (Ku Yoahana 14:23). Xikwembu Kulukumba ku nkama lo, awa katekisa, a kulisa a thlela a tlantukisa a mhuno ha Yesu Kriste. (ku Luk. 1:52).

Hi nkama lo, a mbilu yi ndruluki tempele yinene ya Xikwembu Nkulukumba. A xidoho swoswi xitshukumetiwi handle. Matrhamwini ya swivandra-vandrana le'swifumiwaka ha Sathana, tatana wa madrimi, kutane, hi vona a Moya wa ku Shwenga, a Moya lo'wa xihlayelafunthri lo'afaka u yaki ambilwini; hi leswo ke, lomu afaka e wutrhamu bya wusomboloki bya nyama ku ndruluki a huvu ya ntrhovelu, swanga hi nsinya wa vinya, lo'wubindrulaka wuvinya bya Moya, a nga lebyi: a lirhandru, ku trhava, ku rhula, ku titrongahata, lirherhe, timpswalu, wurhombe, ku kholwa, ni swin'wana. Le'swinyonshisaka Xikwembu Nkulukumba ni vanu. Swoswi i rhavi le'dri bekaka a miandru ya vinya lo'wunene. A nga Yene Tatana werhu Yesu Kriste. A xihundla xakuva ava nsinya lo'wubindrulaka, hi le'swaku, hi va na Kriste nikuba na ye Kriste ava nahine kun'we ni marhitu Yakwe. (Ku Yohana 15:1-10). Swanga hi leswi a nga Lwe'a taliki hi Moya wa ku Shwenga ava a babatisiwa ha Wone, ani matimba ya ku hlula a nyama ni wusomboloki bya yone, nikuba a vamba a mhunu lwe'wa tolo. Hi matimba ya Moya wa ku Shwenga ha swikota a ku famba a Moyeni na e nge hi swa nyama. A nga ha hanyi ka leswi a swivonaka, ni leswi a swiyingelaka, ni leswi a switwaka. Hikuva a likholwo ku Yesu Kriste i ku hlula lo'ku hlulaka a misava. Kutani awa hanya akulaveleleni la'kunene, ka ku hanya a ku xika ku nkarhinyana lo'wutaka ka Yesu Kriste amisaveni, hi leswo ke, ku matimba la ya ku lavelela



5. A TEMPELE YA XIKWEMBU NKULUKUMBA

na Yene a teka a ntamu Wakwe. A hanya andreni ka lirhandru dra Xikwembu Nkulukumba, la ku nga ku Yene hi laha ku nga helikiki.

“Avakatekisiwi la’vabasiki atimbilwini, hikuva vata vona Xikwembu Nkulukumba. (Ku Mat. 5:8). A hosi Davida, nambe a nga Iwe’afaka ani wukosi ni ku hlula a tiyimpi le’to tala a phambeni ka valala vakwe, afa a switiva le’swaku a yimpi yikulu yi le’afaka e nayu ambilwini; loko ke, hi ku tiyanakanya a beki a xikhongoto lexi: Byala ku mine, we Xikwembu Nkulukumba a mbilu yimpswa; byala ku mine a moyo lo’wunene.” (Ku Maps 51:10). A nga kone Iwe’ a nga basisaka a mbilu yaku, kumbe a nga yakaka a mbilu yi n’wana. Loko e nge hi ku tisola, hi xihlayelafunthri. Djuletela Tatana swanga hi leswi a swiyentshiki hosi Davida. U mukombela le’swaku, a ku nyika mbilu yimpswa. Xikwembu Nkulukumba a navela a ku hi nyika ndlela yimpswa awutomwini drerhu. A ku beka swihlama ku mpahla le’yi karhaliki ya ku yavanyisa, hi ku lerisa la’ka swa hava, ku nge gami ku ndruluta a timbilu terhu akuveni ava wutrhamu le’bya ku hlayiseka bya Xikwembu Nkulukumba. Nambe tanu, Xikwembu Nkulukumba a hi yimelile akuveni a hi pfuna a ku hlampswa a timbilu terhu. Hikusa Yene a hi lerisile, a ku: “Ndri ta n’wi nyika a mbilu yimpswa, ndri beka moyo wumpswa andreni kwenu; ndriva ndri beka ku n’wine a Moya wa ku Hlauleka, ndriva ndri yentsha le’swaku n’wi famba anawini wanga, n’wi va n’wi bekisa a milaw yanga (Ku Ezeq. 36:25-27). Hi yo mhaka le’yi drunisaka a Testamente le’Drimpswa, ledri Xikwembu Nkulukumba a dri pfaliki hi ngati ya N’wanakwe, Yesu Kriste.

Ku xifanisu lexi, nangwesu hi thlela hi swivona le’swaku, a ntrumi yi thlela yi tivonekisa, A tintrumi titholiwe akuva tifambisa la’vataka hanya a wutomi le’byi nga helikiki. A ntrumi ya Tatana yi wupama ahenhleni ka la’vamutshavaka. (ku Maps. 34:7;91:11; Dan. 6:22; Mat 2:13; 13:39; 18:10; Swiyentshu 5:19; 12:7-10).

Davulosi nayene, a voneka kusuhi ni mbilu, swanga hi Iwe’ a

rhindrelaka a nkarhinyana wa ku thlela a hingena ku muti wakwe lo'wa khali. Hi mayentshela lawa, ha trundrushiwa akuva hi rhindra na hi khongela, "hikuva a nala werhu, loko a drumadrumeka swanga i yingwe, a famba-famba akhumbini, na a navela lwe'a nga musuvvisaka. (Ku 1 Petros 5:8). Hi masiku man'wana a tindruluta swanga i ntrumi ya ku phatima, na a kanganyisela na avawonga ava avakota la'va nga tiyangakiki. Kambe loko hi tiyisela, Sathana ata trutruma ku hine. (Ku Tiago 4:7).

A XIFANISU XA WUNTHLANU NA XIN'WE

A xifanisu lexi, i xikombisu xa ku vaviseka, hikuva xikombisa a mukriste lwe'a dukiki, kutane, a tilhu drakwe dri swonyile hikuva loko a trhiki a wukriste swi komba le'swaku swi kone le'swi nga hola ku yene. Na kambe a tihlu drin'wana, dri pondrolela a misava, ku drone ku pumbeki a livaningu dra Ivangeli, lanu ke ku pumbekaka ku navela ka ku xaniseka ha Yesu Kriste. A tali hi mindringu le'yo tala, lanu ku yone ata ka thlela a tinhingenisela ku yone, mathramwini ya ku tiyisela, nikuva a yingiseta a rhitu dra Xikwembu Nkulukumba, a yingiseta a marhitu ya hava ya wusomboloki. Nambe a ha yia akerhekeni, a nga ha yie hi lirhandru dra Xikwembu Nkulukumba, kambe a swiyentsha ntsena akuva a kanganyisela le'swaku a he mukhongeli, na a tumbela, swanga hi leswi a ndrulukiki a munganu wa misava. A mhuno lwe'awa ganaganeka, ava a rheka-rheka amahlweni ka miyanakanyu mibidri. Kutane, a hanga sunguala a ku baba a misava, nakuve ke, hi thlelu drin'wana a tiyentsha lwe'a rhandraka Xikwembu Nkulukumba. A nyeleti le'ya ku yanakanya ha katrongo ya timeka, a xihambanu ku yene xindruluki a ku tika lo ku nga nwaliwiki. A likholwo drakwe dri sungula a ku yima-yima kutane, a trhika akuvani ntwananu na Xikwembu Nkulukumba. A sungula ku tithrika, nambe ku wutomi byakwe, ha katrongo-katrongo a sungula a ku nyikela a wumbangu, ka le'swaku a nala lwe'a yimeliki le handle a nhingena. Hi wolowo nkama, a wunganu bya vamisava dra mutrhavisa a ku tlula vakristekulobye la'vanene.



6. A MBILU LE'YI DRINGIWAKA YI VA YI HLUNDRUKA

A moya wa pavāo, lo'wukombisaka ku tikulisa, na wone wusungula a ku nhingena, kutane, a wumpopsyi dri gogondra. Hi masiku ya nkhuvu loko a kuma sope, ni vanganunyana vakwe a mukriste Iwe'a nwa a mintrheku minganinyana ava a hohlot a wutomi drakwe dra moya. A mimpimisu ya nyama ni wusomboloki swithlela swipfuka. Kutane a rhandra a ku yingiseta a swihitana swa hava, ni ku vona swifanisu swa nfani ni ku heketa la'varhandraka a ku kumeka ni la' va ngani tinxaka-xaka ta swiyentshu swa manyala, kambe Sathana a mubyela le'swaku a xidoho, a hi xa ntshumu, hikuva a swiyentshu leswi i swa misava; a nandru a hi werhu loko a mimpimisu le'ya ku biha mi haha swanga i nyanyana. Hi leswo ke, hi nga yi trhikeni yi nhingena, nambe aku yaka wusaka atimbilwini kwerhu. Leswo ke, swiyentsha le'swaku avani a mienhleketu le'ya ku biha. Loko hi nyiketa a xintiwhana ku Sathana, hi nkamanyana wutrongo ata khoma a voko hinkwadru, hi wugamu ata teka a moya a yia nawone andrilweni. Kutane, Xikwembu Nkulukumba, awa hi trundruxa akuva hi trutrura a wusomboloki dra wudjaha ni wuntombe, na hi nga tlangi hi xidohono, a ngava hi ndlela yine na yine. Trutrumela ku Yesu, Muhuluxi!

A mhuno Iweyi hi muvonavaka ku xifanisu lexi na a thlava a mbilu, a kombisa la'va ku dlaya ni la'va ku yala a wukriste, na vatali hi swifeduli aminomwini yavu ya wudlayi, vavenga a timbilu ta vakriste. A mbilu le'yi gana-ganekaka a yi ngena ku kota a ku hlula ku tiyimpi leti. Hi kolalu, yi sungula a ku tshava vhanu ku tlula Xikwembu Nkulukumba. Hi mayentshela lawa, yi ndruluka a mundjema wavamisava; kutane ke, yi yia yi yahlukana na Xikwembu Nkulukumba. Ku nkama wa maxangu, ni swikarhatu swa misava ku humelela a mahlundru ni mona, leswo swinginghen a hintamu ambilwini. A nyoka le'ya ku karhiha, ni marhengu yi landrela hi le ntrhaku ka ku tikulisa, kutani a lunya dri nhingena, na kambe swin'wana na swone swi le karhi swi nhingena.

Swi nabyali swinene akuva a lirhandru dra mali dri nhingena ambilwini, loko hi trhika a ku bekisa swileletu swa Tatana

werhu Yesu Kriste, le'swi nge: Rhindrani na n'wi khongela akuveni n'wi nga dringiwi." (Ku Mat. 26:41). "Lwe'a rhindraka na a yimile, a ngave awa!..." (ku va le 1 Kor. 10:12). "Hi fanela ku hloma hi mathlarhi ya Xikwembu Nkulukumba, akuveni yi tiya ahosini ku marhengu ya Davulosi." (Ku va le Ef. 6:11-18).

A XIFANISU XA WUNTHLANU NA XIBIDRI

A xifanisu lexi, xikombisa a mathramela ya wusomboloki bya mbilu ya mhuno. Nangwesu, swikomba a mathramela ya mbilu le'yi nga tiviki ku tisola nambe hi ku tinyikela amahlwени ka Tatana, nambe yi yingela a rhitu dra Matralwa ya Ivangeli la'mahashiwiki. A mhuno Iwe'a tiyalisaka ambilwini loko Xikwembu Nkulukumba a muyangula, a ta yia amahlwени hi ku lova, nambe a nga dringisa akuva a ndruluka.

Mayelana ni leswi hi swi vulavuliki, Yesu Kriste ahlaye leswi: "A Moya wa tshaka loko wuhumi ku mhuno wu yie a mananga wudjuletela a ku rhula, loko ke wu nga ku kumanga, wutibyele leswi: Ndri ta thlelala a kayia lomu ndri humaka kone; Kutane ke. Loko wutlhassa, wukuma le'swaku ku basile, ku thlela ku xongisiwa. Wuhlomela, wuthlela wu yia vitana a mimoyia le'ya ntlanu na mibidri le ya ku karhata ku tlula wone, minhingenä miyaka kone. Hi leswo ke," a matrhamela ya mhunu Iweyo matlula amasunguleni. (Ku Luk 11:24-26). "Swifana ni nhlayo le'yi nge: A mbyana yi thleleli ku mahlanta ya yone, kumbe a nguluvi le'yi hlampswiwiki yi thleleli antrakeni." (Ku 2 Petros 2:22).

A matralwa lawa ma hi trundruxa a matrhamela ya mbilu le'ya ku tiyalisa, le'yi nonomwiki, le'yi nga tiviki a ku tiyanakanya. A xidoho, hi marhengu ya xone la'ya ku kanganyisa xithleli xifuma a mbilu ya mhuno xiva xibeka a wuyaku ku yone. A Moya lo'wa ku Shwenga, lo'wukombisiwaka hi xituvana le'xa ku rhula, wusindrisiwa a ku huma ku mbilu leyo, hikuva a xidoho ni Moya wa ku Shwenga aswhanyelani. A swiyentsheki le'swaku a mbilu yi tirhela a tempela ya Xikwembu Nkulukumba



7. A MBILU LE'YI NONOMHIKI

na hi thlelu drimbeni yi tirhela a wukhamba bya Sathana. Kutani, a ntrumi, a nga rhitu dra Xikwembu Nkulukumba, yi fanela a ku huma hi ku vaviseka, na yi langusa antrhaku, yi yimela le'swaku amhunu Iweyo atiyanakanya swanga hi n'wana wa l've wa ku hunguka. Hikuva a n'wana l've'wa ku hunguka loko ku thlasi nkama lo a nga djula ku da a vuswa ledri afaka dri bekiseliwi a tinguluvi, hikuva ni mun'we afaka a munyika ntshumu; a ti ku yene: "Ndri to sekeleka ndri yia ka tatana, ndri yia ku: Ndri dohile amahlweni ya matilu aphambeni kwaku, a ndra ha faneli ku vitiwa n'wanaku." Kunene, a tatana wakwe, loko a voni a wusweti ni ku tisola kwake e yo mudrivalela. (Ku Luk. 15:18). Kambe, ku matrhamela ya mhunu l've'a kuna a xihlayelafuntri xa ku tiyankanya, nambe hi miyendhleketu ya Xikwembu Nkulukumba, kumbe ku navela a ku drivaleliwa amilengeni ya Yesu. A mimpisu yakwe yi ndruluki swanga i nhumbu le'ya ku hisa, ni l've'a sindrisiwiki a ku miyela. Nambe ani tindleve kambe a nga ha yingeli a ku gongodra ka rhitu dra Yesu. Nambe ani matihlu kambe a nga ha voni a mpfhuka wa Hade lanu a milomo mipfulekiki amilengeni yakwe. A ngehena tingana loko a hanyela ku xidoho. Sathana a tili a ku tata fuma ambilwini yakwe, ava a trhama awutramwini byakwe swanga i hosi. Swi nga ha yentsheka le'swaku a tiderunisa ka le'swaku hi l've-nene ku vanakulobye; hikuva i mukhongeli, kambe hi le handle, a kota sirha dra ku basa, na kambe, hi le ndreni a tali yi marhambu ya vafi i munyama hinkwawu. (ku Mat 23:27).


A tatana wa madrimi a le wutrhamwini bya Moya wa xilhayelafuntrhi. A swivandra-vandrana hinkwasu, swithlamuxela a swidoho hinkwasu, hikuva swifamba-famba ni mademona yo karhi ni munyama wakone wutrama ambilwini yakwe. Nambe adjuletela le'swaku a ntrunxeka ku yone, a nga swikoti hikuva yi mubohile. Mwedana, ka magamela ya mhuno lveyi! "Hikuva; l've'a nga yala a milaw ya Monshe a dlawi na a nga tretreliwangakiki, hi marhitunya ya wumboni ya vanu vabidri kumbe varharhu. Nambe n'wi nga mpfeka ku swidoho le'swinyingi kambe l've'ataka khandla a N'wana wa Xikwembu Nkulukumba, ava a rhuka a ngati. ya Xinyempfana le'a

hlampsiwki ha yone ni Moya wa ku hlawleka lo'wumutatiki hi matimba." (Ku va Heb. 10:28,29; 2 Petros 2:1-14).

Vadondri va xibukwana lexi, loko ke a xifanisu lexi xikombisa a matrhamela yenu, bongosani ku Xikwembu Nkulukumba hi nkama wolowo atimbilwini tenu. Yene, a nga n'wi huluxa ku ya thlasa ka Iwe'wa wugamu, ava a n'wi susa aswidoho hinkwasu, loko n'wi buya ku yene hi ku tiyanakanya ka xihlayelafuntrhi. Yene, a nga boha Davulosi ni masotshwa yakwe hinkwawu ya munyama ava a mayisa handle ka mbilu, kambe loko n'wi mutrhiaka akuveni a swiyentsha. Tanani, swanga hi Iwe'wa nhlokono, loko a thlasi ku Yesu atiki: "Loko wuswidjula wu ta ndri hlampsya, kutane Yesu a muhlamula a ku, ku yene: nakunene, ndra swidjula: Hlampsweka." (Ku Mark. 1:40,41). Loko ke, n'wa ha nonomhwisa a timbilu tenu hi ku rhandra a munyama matrhahmwini ya livaningu, ku ngehenenku yimela kumbe xipfunu; hikuva n'wi langa a lifu matrhamwini ya wutomi. "Hikuva, a yavelu dra xidoho i lifu ntsena." (Ku va le Roma 6:23).

A XIFANISU XA WUNTHLANU NA XIRHARHU

Lanu ke, hi kuma a mudohi Iwe'a nga kusuhi ni wugamu drakwe, lanu a mirhi yakwe yi taliki hi swivavu, ni moya lo'wutaliki hi ntshavu wa lifu. A lifu (Marhambu) dri tlhasi ankameni lo'afaka a nga wurhindrelangakiki. A wumenyemene dra le'swaku nandrika swa ku doha kutane switrutrumeile, yene a fanela aku lavisa a yavelu drakwe dra xidoho. Hileswo ke, a minkonyo ya ka Sathana ya muyamukela, nambe, leswi a navelaka a ku khongela, kambe akuma a swikarhatu akuveni a tlhangana ni Iwe ntrhaku a lirhandru drakwe a dri drelike. A vanakulobye vatshava akuva vava kumwe na yene amasangwini ya lifu, nambe hi marhitu le'ya ku mubambiyetela a ma ha mupfuni ntshumu, nambe hi matsomba yakwe, lawa i nge a makumi hi wukanganyisi, a me ngehenenku yengetela a wutomi drakwe, nambi a ku huluxa a moya wakwe. A swahakoteki akuva a tiyanakanya mayelana na Xikwembu Nkulukumba, hikusa a ngaha mupfumeleli.



8


8. A YAVELU DRA MUDOHI

Hinkwaswu leswi afaka a swirhandra ku hanya ku swone kutane swa mutrongahata. Mbosi lwe'afaka a muhonga a nga ha mupfuni. A sungula a ku vona "a ndringu wa ku wela amavokweni ya Xikwembu Nkulukumba lwe'a hanyaka." (Ku va Heb. 10:31). Afa a yimela akuva a thlangana na Xikwembu Nkulukumba ku siku ledrinene kumbe amasangwini ya lifu, kambe hi nkama lo, a nkarhi wukalutile. Makhulukhulu ya vhanu va fa hinkamanyana wutrongo, na va nga djulanga Xikwembu Nkulukumba. Hi kolalu ke, swakombeleka le'swaku ku djuliwa Xikwembu Nkulukumba na a nkama we he kone. Matrhamwini ya ku yingela a marhitu la mahuluxaka ni la makwamberhatanaka ya xikwembu Nkulukumba wakwe, A mudohi lwe'wa ku yia akufeni, lwe'a dreliki a wumenyemene ni wurhombe bya Xikwembu Nkulukumba amasikwini yakwe ya ku hanya, kutani a yingela a rhitu dra muyavanyisi le dri nge: Trhendreka kule na mine, we mudohi, famba anambweni wa ndrilu, lanu ku yaveliwiki kone Davulosi ni malandra yakwe." (Ku Mat 25:41). "Avhanu vayaveliwi akufa kan'we ntsena, ntraku vayavanyisiwa." (Ku va Heb 9:27).

A XIFANISU XA WUNTLANU NA MUNE

A xifanisu lexi xikombisa a mukriste, lwe'a tiyaka a ku dringiwени ka nala, a mukriste lwe'a hlulaka amakarhini ka mindringu le'yikulu. Kambe a tiyile ahosini nambe a le karhi a dringiwa hi mathlelu hinkwawo a tiyisela kondra a yia tlasa amagamwini. Kutane ayia ndruluka a nhena amahlweni ka Yesu Kriste. A mukriste lwe'anga sungulanga ntsena akuva ndlela ya wukriste, kambe a tiya ku byone, hi lirherhe na a nga langusi a thlelu dra xinene kumbe ximanthri, kambe ntsena ku Yesu lwe'a nga mayentshi wa likholwo. (Ku va Heb. 12:1,2).

Sathana ni malandra yakwe, a trandriela a mbilu ya mukriste. A lwa hi tindlela hinkwatu akuveni a lahla a n'wana wa Xikwembu Nkulukumba. A ku tikulisa, a ku rhandra mali, a demona, a wusomboloki ni swin'wana swidoho le'swi kombisiwiki. Matrhamwini ya hantxi hi vona a mbongolo, hikuva hi mayentshela manyingi a xidoho xita hi marhengu. Xitumbela



9. A MBILU LE'YI HLULAKA

na xitiyambeshi a mpahla yin'wana, xitshintsha ni vitu. Kambe, a mukriste lwe a tibekiseli awa mavona a marhengu ya Sathana nambe a nga tiyentsha ntrumi le'ya ku kwetsima, Kambe a rhitu dra Xikwembu Nkulukumba ni Moya wa Xihlayelafuntri swimuyisa ka xihlayelafuntri. A handle ka swivandra ku voneka wanuna lwe'a kinaka ni ntrheku avokweni, na a le karhi a dringa Yesu Kriste hi wumenyemenye bya misava. Kambe, a ngazi a swikota, hikusa a mukriste lweyo a tiyile ahosini, hikuva yene a tibekisili a ku fa na Kriste. A mhuno lwe'wa wubidri a thlava Kriste. Loko a mhuno, lwe'a titshulaka mukriste kumbe nala wa Ivangeli lwe'a hlevaka, kambe i musomboloki, lwe'a landrelelaka van'wana, Leswo hinkwasu swifana ni thlarhi ambilwini ya mukriste. Hi xihlayelafuntrihi, yene a nga londrisi leswi vaswivulavulaka, kambe a londrisa leswi Xikwebu Nkulukumba a li ki. "Va katekili la'va loko vadoheliwa ni la'vahlongolisiwaka, ni la'va loko va kaneliwa madrini ha vone hi nkonta ya mhaka yanga. Nyonxani n'wi trhava swinene hikuva n'wi ta yamukela a talenta le'yikulu. (Ku Mat 5:11,12).

A xidoho, ni nyama yerhu kun've na Davulosi va karhi vadringisa a ku yavanyisa Yesu Kriste ka lirhandru ledri a nga nadrone na Xikwembu Nkulukumba. Kambe hi ku trhava lo'kukulu, hi nga hlaya leswi: "Xana i mane lwe'a nga hi yavanyisaka ka timpswalu ta Kriste ke?" Kumbe a ngava maxangu, swikarhatu, ku hlongolisiwa, kumbe ndlala, wusweti, ndringu ni lipanga." (Ku va le Roma 8:35). "Ku hinkwaswu leswi hi vahluli ku Lwe'a hi rhandriki." (Ku va le Roma 8:37). A mukriste lwe atiyiki amahlweni ya Xikwembu Nkulukumba, a nga hloma amahlweni ka marhengu ni mindringu ya nala, ha Yesu Kriste, Lwe'a hluliki a mindringu hinkwayu, akuveni nahine hi kuma a ku hlula hiva hi yamukela aharhi ya wuhosi.

A Nyeleti- Ku lipfalu drakwe ku shwengili kuva ku phatima, a mbilu yakwe yi tali yi likholwo ni Moya wa ku Shwenga. A ntrumi ya Xikwembu Nkulukumba, a nga rhitu dra Xikwembu Nkulukumba, le'dri nga ku yene dri mutrundruxa a swilerisu le'swi byeliwiki la'vahlulaka a timhaka le'tinyinge." "Ku lwe'ataka

hlula ava a tiyisela kondra awugan'wini, ndri ta munyika a kuda ka nsinya wa wutomi, lo'u nga a paradisi dra Xikwembu Nkulukumba." "Lwe'ataka hlula a nga ta kumbiwa hi xidoho xa lifu dra wubidri." Kambe lwe'ataka hlula ndri ta munyika a matovoko la ndri mathlotiki, ndriva ndri munyika a ribwe dra ku basa, le'dri traliwiki a vitu drimpswa." "Ku lwe'ataka hlula, ava a bekisa a swileletu swanga kondra awugan'wini, ndri ta munyika a matimba ahenhleni ka misava. Ndriva ndri muyambexa hi swiyambalu le'swa ku basa ndri ngaka ndri nga time a vitu drakwe abukwuine dra wutomi, ndri tava ndri beka a wumboni ku Tatana ha yene amahlweni ka tintrumi." "Ku lwe'ataka hlula, ndri ta mubeka akuva ava amhandri ya tempele ya Tatana lanu a ngataza a huma; ndri thlela ndri trala a vitu dra xikwembu Nkulukumba, ni vitu dra khokholo dra Xikwembu xanga, ni vitu dranga le'dri mpswa." "Ku lwe'ataka hlula, ndri ta mu yavela a ku trhama kumwe namine, awutrahamwini byanga, swanga hi leswi Mine ndri hluliki, ndriva ndri trhama kun'we na Tatana awutrahamwini drakwe." (Ku Tinhla 2:7,11,17,26; 3:5,12,21).

A xisakana xa mali. Le'xipfuliwiki xithlamuxela le'swaku a hi mibilu yakwe ntsena kambe ni yo mali yakwe yi katekisiweli Xikwembu Nkulukumba. Matrhamwini ya kuva a tirhisa mali yakwe hi le'swa ha hava, a nyikela a swisiwana, ni swinyikelu hi swawukhumi ni swa mintirhu ya Xikwembu Nkulukumba. Kuni lwe'a nyikela hinkwaswu ka Xikwembu Nkulukumba.

A kati ni hlampfi. Swi hlaya le'swaku kutane a hanya wutomi le'drimpswa le'dra ku hlauleka. A nga tinyamisi hi mabyala la ya ku kariha. A nga hangalasi a mali yakwe hi swa hava ne a nga nyamisi a nyama yakwe (hikuva a mirhi yakwe i tempele ya Xikwembu Nkulukumba) hi ku draha a mafole, ni timbangi. A hanya hi swakuda le'swi nandrikaka. A mirhi yakwe yi ndruluki a yindlu ya wukhongoti lanu ku khongeteliwaka la'votala hi minkama ni minkama. A mhunu lwe a rhandra a ku khongela swanga hi le kerhekeni kumbe hi le kaya, hikuva a tiva le'swaku a mukriste a nga hanyi na a nga thlangananga na Xikwenbu Nkulukumba hi xikhongel.

A buku le'dri pfuliwiki dri thlamuxela le'swaku a Bibele i buku le'dri pfuliwiki amahlweni kwake, ledri a dri dondraka ku siku drin'wana ni drin'wana, lanu ka rhitu dra xikwenbu Khulukumba akumaka kone antamu, ni livaningu, ni wumenyemenye le'dri nga hlaiyiwiki. Hi leswo ke, ku ndruluki a kandlelu le'dri vaningagaka a minenge yakwe ni lipanga ledri a hlulaka a hdrone a valala. Drone i kati dra moya dra siku drin'wana ni drin'wana. Ka moya wakwe ni mati la'mahetaka a torha drakwe. Funtrhi i bakiti ledri ku drone a hlampswaka a Moya wakwe ni le ku xivonivoni lanu a tivonaka ha kone, leswi a nga ha xiswone.

A mukriste a rhandra a ku tibyatrhela a Xihambanu xakwe; hikuva awa switiva le'swaku a ngena ku yamukela a harhi. Swanga hileswi aswitivaka leswaku, a pfuki na kriste awutomwini le'drimpswa, hi leswo ke, a djuletela a swiyentshu swa le henlha, a swiyentshu le'swa ku ka swinga helikiki, le'swinga voniwiki hi mahlu ya misava. Funtrhi, a tibekeselile ka le'swa ku vonana na Xikwembu Nkulukumba; A kota a tsinya le'dri byaliwiki antrendreleni wa nambu, a tsinya le'dri bekaka a mihandru ankameni lo'wunene; Kumbe hi nga hlaya leswi, swanga hi wuvinya lo'wubekaka a mihandru le'minyingi. A nga tshavi a ntshavu wa lifu, hikusa, hi kolalu ka kuva a taliki hi Moya lo'wa ku Shwenga a timpswalu ta Xikwembu Nkulukumba titata a mbilu yakwe.

A XIFANISU LE'XA WUKHUMI

Yesu a hlhaye leswi "hi mine ku pfuka ni wutomi; Lwe'a ndri kholwaka, nambe a file ata kuma "wutomi le'byi nga helikiki, Lwe'ahanyaka na andri kholwa angati vona alifu." (Ku Yohana 11:25,26). "Lwe'a yingelaka a rhitu dranga ni ku kholwa lwe'a ndri rhumiki lwe'a ngani wutomi le'dri nga helikiki, lwe'a nga tiki yavanyisiwa, lwe a sukukiki ku lifu a yia awutomwini." (Ku Yoha. 5:24). A mukriste a nga rhrhumeli amahlweni ka ntshavu wa lifu le'dri mutshavisaka. "U kwine we lifu, ni xintrhuti xaku ke? U kwine we munyama, Xana ku kwine a ku hlula kwaku ke? Kambe hi kuma a ku hlula hi nkota ya Xikwembu



10

10. KU THLANTUKELA AMATILWENI

Nkulukumba Iwe'a hi nyikaka aku hlula ha yene Yesu Kriste." (Ku va le Kor 15:54-57).

A mhuno Iwe'a hanyiki ava a famba andleleni ya Xikwembu Nkulukumba a ngana ntshavu wa lifu. Loko ke, ku thlasa a nkama wa ku suka amisaveni, a tifambela hi ku rhula, swanga hi leswi mupostolo Paulus a swihlaysaka xiswone: "Ndri navela a ku famba ndri yia kumana na Kriste hikuva swayampsya." (Ku va le Filip 1:23).

A mukriste Iwe'nene a titwa na a le akunavaveleni ka kuva a vonana na Yesu hi xivirhi, Yesu Iwe'a fiki, ava a hlupheka axihamabnwini hi nkonta yakwe. A Moya lo'wa ku Shwenga wumutrundrukisa a marhitu ya Yesu Kriste la'ma nge: "A mbilu yenu yi nga tshuki yi trhoveka; kholwani Xikwembu Nkulukumba na mine. A kaya ka Tatana kuni a wuyaku le'byi nyinge;... Ndra ha ta ta akuveni ndri tata n'wi teka nun'we na mine, ka le'swaku lomu n'wi takava kone n'driva kun'we na n'wine." (ku Yohan 14:1-4). "A swili leswi a tihlu dri nga swivonangakiki, ni leswi a ndlevi yi nga swivonangakiki, leswi swinga yakangakiki ambilwini ya mhuno, hi leswi Xikwembu Nkulukumba a swibekikisiki ka Iwe'A Murhandraka." (ku va le 1 Kor. 2:9). A kuna lidrimi amisaveni le'dri nga kotaka a ku thlamuxela a matimba ya wuyaku bya matilu. A matimba la'mabekeliwiki ku la'vafambaka andleleni ya Tatana werhu Yesu Kriste amisaveni.

Ka matrhamela la'ya marhambu (Lifu) ku voneka a ntrumi kumbe a muhaxi wa rhitu dra Xikwembu Nkulukumba ku xifanisu le'xa wugamu. Yene a yimeli akuva a teka Moya wa muyentshi wa le'swinene a wu yisa ka Xikwembu Nkulukumba. A Moya ni hika swasuka amirhini ya lifu; lanu afaka swi'kone, swiva ke swi haha ku Iwe'swimurhandriki ni Iwe'swimutirheliki amisaveni. Kutani ke, a hoyoyo dra muyimela amahlweni ya Xikwembu Nkulukumba, lanu a marhitu ya ku drunisa Tatana Mudondrisi, mamuyamukela ma ku: "Hoyohoyo, Iwe'nene, thlasanini ha hombe! Ninghenawu awumenyemeyen bya Tatana." (ku Mat 25:21). Lanu ke, Sathana a ngehe na matimba ya ku mufuma, hikuva a lifu dra'la va ku hlauleka amahlweni ya

Tatana a drehena lisima. (Ku Maps. 116:15). Kutani, Ndri twe a rhitu dra le amatilweni na dri ku: swi Traliliwile le'swaku; A vakatekisiwe a vafi la'va hi nkama lo vafelaka ahosini. Nakunene, Leswo ku hlaya a Moya wa ku Shwenga, akuveni va wisa amintirweni yavu, ni mintirhu ya mavoko akuva vavalandra (Ku vapost 14:13).

A SWILELETU SWA WUGAMU

Vanakolobwe vadondri va xibukuana lexi, "xa xivonivoni xa Mbilu", ha navela le'swaku Xikwembu Nkulukumba a n'wi pfuna akuva n'wi nyiketa timbilu tenu ka lwe'a n'wi rhandraka ni lwe'a n'wi kombelaka a ku "N'wananga, ndri nyiketi mbilu yaku." (Ku Mapro. 23:26). Nyikelani a timbilu tenu le'ti karhaliki, le'ti herhekiki le'ti yahlukaniki kuYesu, kutane Yene, ata nwı nyika a timbilu le'timpswa ni Moya lo'wumpswa. N'wi nga kanganyisiwi hi timbilu tenu le'ta hava, le'titibekiseliki a ku landrela le'swa swiyentshu swa misava, hikuva lwe'a trhembaka a mbilu yakwe i xihunguki. (Ku Maproverb 28:26). Humanı ka a wusomboloki n'wi landra a ntiyisu; "Hikuva a yavelu dra xidoho i lifu ntsena, kambe a yavelu dra Xikwembu Nkulukumba i wutomi le'dri nga helikiki ha yene Yesu Kriste." (Ku va le Roma 6:23).

Vanakulobye, kutane ha dumba le'swaku n'wi nyikelile a wutomi byenu ka Xikwembu Nkulukumba, hileswo ke, landrani a marhitu hi xihlayelafuntri hi ku trhembaka ka wurhombe le'byi nga ku Yesu Kriste, swanga hileswi Paulus (ku 2 Tim. 1:12) a swiyentshisiki xiswone "Hikuva, ndra nini a ku dumba ku lweyi ndri mukholwaka, nagwesu ndri ni ku trhembaka ka le'swaku i nhenha akuva a nga beka a mbilu yanga kondra siku ledro." "Kambe, n'wine varhandriwa, hi ku tiyaka andleleni ya likholwo, na n'wi le karhi n'wi khongela hi Moya, na n'wi bekisa a lirherhe dra Xikwembu Nkulukumba, na n'wi yimela a wurhombe dra Yesu Kriste kondra a wutomi le'byi nga helikiki." (Ku Yud 20:21). A hi rhindreleni a lirhandru dra Tatana na hi bekisa le'swaku Yesu Kriste, i xihlayelafuntri ni wutomi, ni le'swaku hi nkamanyana ata xika hi le matilweni akuva a tata teka a

vakwe... "A Hosi ya tihosi ni Tatana wa vatatana."

Kambe, Lwe'a ngani matimba ya ku n'wi vonelela akuva n'wi ngawe, ni lwe'a n'wi kaukaka, hi lirhandru ahenlheni ka Matimba ya Xikwembu Nkulukumba Muhuluxi werhu, ha yene Yesu Kriste. A ngava hi matimba ni wukulukumba, kumbe hi nfumu wa matilu hi minkama ni masiku ni masiku. (Ku Yud. 24,25).

Copyright ANGP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.anqp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.anqp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.anqp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a

I'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracteristicas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradeciamos que nos contacta-se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras linguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faça o favor de nos

informar. Pois nos gostarfamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 linguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS
P.O. Box 2191
PRETORIA
0001
R.S.A.

A Gospel Literature Mission financed by donations

Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)